

Petrus Paulus Vergerius¹⁾ an Vadian.

Zürich. 1550. August 31.

Er wundert sich, dass er auf seinen Brief vom vorigen Monat keine Antwort von Vadian erhalten hat, und bittet um ein gelegentliches Briefchen. Nach dreimonatlicher Wanderung ist er im Begriff, zu seiner Gemeinde nach Graubünden zu reisen.

Vadiane optime, scripsi ad te ante mensem fere, missi (!) libellum meum sive epistolam quandam et libellum Italicum ad dominum Ulricum Horutener; dedi literas ferendas vestrati tabellario, quem in hospitio Ciconiæ in hac urbe inveni. Sum vero magnopere miratus, quod nihil abs te, viro officiosissimo, literarum vicissim acceperim, præsertim quum viderim, te ad alios amicos huc scripsisse; itaque iterum putavi te excitandum. Heus pater, te Vergerius vocat, ut se ames atque ut literulis aliquando hunc amorem testeris. Valeo pulchre dei benignitate. Laboravi per reliquos tris menses pro Christi mei gloria peregrinando. Nunc ad meam ecclesiam, quæ apud Rætos est, redeo. En habes fere rationem rerum mearum. Tu me redama et roga pro me. Gratia et pax d(omini) n(ostri) Iesu Christi cum omnibus vobis. Amen. Tiguri, pridie Kalendas Septembris 1550. ◊

Vergerius.

Clarissimo viro D. Ioachimo Vadiano, consuli Sangalensi.

San Gallen.

¹⁾ Vgl. oben, Brief 1682.